



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

Organi Shqyrtues i Prokurimit (OSHP) Rruga "MIGJENI" (ish-Banka e Ljubllanës) Kati V-të, Prishtinë, Kosovë
Tel:+ 383 38 212 309 e-mail: oshp@rks-gov.net

PSH. nr. 1658/25

PANELI SHQYRTUES I PROKURIMIT, i emëruar nga Kryetarja në bazë të nenit 105 dhe nenit 106 të Ligjit për Prokurim Publik të Kosovës nr. 04/L-042 (i amendamentuar), në përbërje prej: Batisha Ibrahim - Kryetare, Isa Hasani – Anëtare, si dhe Kimete Gashi-Brajshori- Anëtare, duke u bazuar në nenin 99 të Ligjit për Prokurim Publik të Kosovës dhe konform nenit 32 të Rregullores së punës së OSHP-së nr. 01/2020 (e amendamentuar), pas shqyrtimit të kërkesës së AK – Komisioni qendror i zgjedhjeve, me numër 1658/25, për zbatim të nenit 99.2 LPP-së, ndaj OE E Taxi Tesla Sh.p.k, lidhur me aktivitetin e prokurimit: Auto taksive për ditën e zgjedhjeve të zgjedhjeve të 12 tetorit 2025 dhe rëndit të dyte, me nr: të prokurimit: 320-25-8784-2-3-6, iniciuar nga Komisioni qendror i zgjedhjeve, më: 18.12.2025, mori këtë:

V E N D I M

1.APROVOHET, si e bazuar në dispozitën ligjore të nenit 99 par. 2 të LPP-së, kërkesa e Autoritetit Kontraktues – Komisioni qendror i zgjedhjeve, për diskualifikim nga pjesëmarrja në prokurimin publik të OE E Taxi Tesla Sh.p.k, me nr: unik 811875931 - Prishtinë, lidhur me aktivitetin e prokurimit: Auto taksive për ditën e zgjedhjeve të zgjedhjeve të 12 tetorit 2025 dhe rëndit të dyte, me nr: të prokurimit: 320-25-8784-2-3-6, iniciuar nga AK - Komisioni qendror i zgjedhjeve dhe i njejt diskualifikohet nga pjesmarrja ne prokurimin publik per nje periudhe prej tre (3) muajve, nga data: 18.12.2025 deri me 17.03.2026.

A R S Y E T I M

Kërkesa e AK - Komisioni qendror i zgjedhjeve:

1. Autoriteti kontraktues pretendon se OE E Taxi Tesla Sh.p.k, si pjesëmarrës ne aktivitetin e prokurimit me titull: Auto taksive për ditën e zgjedhjeve të zgjedhjeve të 12 tetorit 2025 dhe rëndit të dyte, me nr: të prokurimit: 320-25-8784-2-3-6, ka vepruar ne kundërshtim me nenin 25 të Rregullores për prokurim publik nr. 001/2022, duke arsyetuar se E Taxi Tesla

Sh.p.k, i jemi drejtuar me kerkese per dokumentet e pranueshmerise sipas nenit 65 te LPP-se.

2. OE E Taxi Tesla Sh.p.k, e ka ngarkuar vertetimin e gjykates, ndersa nuk i eshte pergjigjur kerkeses se autoritetit kontraktues per dorezimin e vertetimit te ATK-se), dhe perkunder disa kerkeseve OE E Taxi Tesla Sh.p.k, nuk eshte pergjigjur fare kerkeses se AK-se, me ndonje sqarim.

Mbi bazen e sqarimeve te dhena me larte, autoriteti kontraktues kerkon marrjen e masave eventuale sipas nenit 99.2 te LPP-se me pretendimin se OE E Taxi Tesla Sh.p.k, ka vepruar ne kundershtrim me nenin 25.9 te Rregullores per prokurim.

Kërkesa e OSHP-se drejtuar Operatorit Ekonomik:

Organi Shqyrtues i Prokurimit, me te pranuar kërkesën e datës: 05.11.2025, te AK - Komisioni qendror i zgjedhjeve, e ka njoftuar OE E Taxi Tesla Sh.p.k, me qellim qe operatori ekonomik ne fjale te jap faktet dhe argumentet e veta lidhur me kërkesën e AK-se.

OE E Taxi Tesla Sh.p.k, nuk i është përgjigjur kërkesës se OSHP-se per te dhene faktet dhe argumentet e veta lidhur me pretendimet e AK-se.

Vlerësimi i pretendimeve te autoritetit kontraktues për marrjen e masave ndaj OE E Taxi Tesla Sh.p.k:

Pas shqyrtimit të shkresave të lëndës, shqyrtimit të kërkesës së autoritetit kontraktues dhe arsyeshmërisë së dhënë, diskutimeve dhe shoshitjes së provave paneli shqyrtues vlerëson se autoriteti kontraktues – Komisioni qendror i zgjedhjeve, ka dorëzuar prova që dëshmojnë se OE E Taxi Tesla Sh.p.k, ka vepruar ne kundershtrim me nenin 25.9 te Rregullores per prokurim, ne te cilin thuhet:

25.9 Vërtetimet në lidhje me kërkesat e përshtatshmërisë (përveç Deklaratës nën Betim) do të kërkojnë të dorëzohen nga një tenderues të cilin autoriteti kontraktues ka për qëllim që ta shpërblejë me kontratë. Këto dokumente duhet të dorëzohen nga tenderuesi para publikimit të Njoftimit B58 mbi vendimin e AK-së. Afati kohor për dorëzimin e dokumentacionit të përmendur është jo më shumë se pesë (5) ditë nga marrja e njoftimit të autoritetit kontraktues për synimin e dhënies së kontratës. Dështimi në dorëzim të dokumenteve të tilla, tenderi i tij do të refuzohet dhe AK do të vazhdojë me tenderuesin e listuar në vendin e dytë, si dhe do të konfiskohet sigurimi i tenderit nëse e njëjta është kërkuar dhe AK do të iniciojë procedurën për diskualifikim në përputhje me nenin 99.2 të LPP-se.

Paneli shqyrtues sqaron se për marrjen e masave ndaj operatorëve ekonomik Organi Shqyrtues i Prokurimit mund veproj vetem nëse AK-ja, ka ofruar prova ashtu siç potencohet në nenin 99 të LPP-së, në të cilin flitet për funksionet dhe kompetencat e OSHP-së, në paragrafin 2 te këtij neni,

ku thuhet: Në bazë të një kërkesë me shkrim nga autoriteti kontraktues në lidhje me paraqitjen e të dhënave të rreme ose të një dokumenti të falsifikuar nga operatori ekonomik, OSHP është e obliguar dhe ka autoritetin që të shqyrtojë dhe të diskualifikojë operatorin ekonomik nga pjesëmarrja në prokurim publik për një periudhë deri në një (1) vjeçare, e që në rastin konkret AK-ja, ka dorëzuar prova se OE E Taxi Tesla Sh.p.k, ka vepruar në kundërshtim me nenin 25.9 të RrUOPP-se.

Andaj, Paneli shqyrtues vlereson se OE E Taxi Tesla Sh.p.k, duhet, të diskualifikohet në kohëzgjatje prej tre (3) muajve, nga pjesëmarrja në prokurim publik, për të gjitha procedurat e prokurimit, ashtu si është e përcaktuar me nenin 67.9, Rregullorja për Prokurim Publik Nr. 002/2024, si në vijim” *Në rast se OSHP nxjerr një vendim për diskualifikim të një operatori ekonomik nga pjesëmarrja në në prokurimin publik prej datës së vendimit. Për qëllime të zbatimit të këtij neni, “Pjesëmarrja në prokurim publik” është një proces që përfshin tërë ciklin nga njoftimi, aplikimi, përfshirë edhe çfarëdo kundërshtimi apo ankese, deri te vendimi për dhënie të kontratës, rrjedhimisht pamundëson çfarëdo veprimi që Operatori Ekonomik mund të ndërmerr përgjatë tërë procesit të prokurimit prej fazës së publikimit të njoftimit për kontratë deri në momentin e nënshkrimit të kontratës, përfshirë edhe parashtrimin e ankesave. Ky përjashtim vlen për të gjitha llojet e kontratave dhe për të gjitha procedurat e prokurimit”.*

Paneli shqyrtues, duke u mbështetur nenin 99.2 të LPP-së si dhe në atë që u tha si më lartë, vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës kompetente për anulim vendimi në afat prej 30 ditësh nga data e pranimit të vendimit .

Vendimi t'i dorëzohet:

1x1 AK – KQZ

1x1 OE E Taxi Tesla Sh.p.k

1x1 Arhivës së OSHP-së;

1x1 Për publikim në ueb- faqe të OSHP-së.

Kryetar i Panelit Shqyrtues

